

(প্রেস বিজ্ঞপ্তি)

০২ এপ্রিল ২০২৩খ্রি.

চট্টগ্রামে হবে শিশু কবরস্থান, সংস্কার হবে স্থানীয় সড়কগুলো: মেয়র

নগরীর পশ্চিম মাদারবাড়িতে রাস্তার মিডিয়ানে পরিত্যক্ত সরকারি ভূমিতে শিশু কবরস্থান গড়ার পাশাপাশি সবুজায়নের নির্দেশ দিয়েছেন চট্টগ্রাম সিটি কর্পোরেশনের মেয়র (প্রতিমন্ত্রী) বীর মুক্তিযোদ্ধা মো. রেজাউল করিম চৌধুরী।

রোববার নগরীর পাঠানটুলী, পশ্চিম মাদারবাড়ি, পূর্ব মাদারবাড়ি এবং আলকরণ ওয়ার্ডে চলমান উন্নয়ন কাজ পরিদর্শনে যান মেয়র। এসময় বিভিন্ন প্রকল্প সফলভাবে সম্পন্ন করার পাশাপাশি স্থানীয় বিভিন্ন সমস্যা সমাধানে কাউন্সিলর এবং চসিক কর্মকর্তাদের দিক-নির্দেশনা দেন মেয়র।

মেয়র কমার্স কলেজের পূর্বাংশে ডিটি লেন এবং আছাবাদ বাণিজ্যিক এলাকার গুরুত্বপূর্ণ সংযোগ সড়কটি অত্যন্ত সংকীর্ণ বিধায় সম্প্রসারণ এবং বিদ্যমান ভূ-গর্ভস্থ নালাটি বিভিন্ন সংস্থার পাইপের কারণে ময়লা জমে নালায় প্রবেশমুখ বন্ধ হয়ে যাওয়ায় তা পরিষ্কার ও পাইপ অপসারণসহ প্রয়োজনীয় ব্যবস্থা গ্রহণের জন্য সংশ্লিষ্টদের নির্দেশ দেন।

মেয়র বলেন, চলমান প্রকল্পগুলো মানসম্পন্ন এবং সুনির্দিষ্ট সময়সীমার মধ্যে শেষ করতে হবে। নতুন সড়ক নির্মাণের পাশাপাশি যেসব সড়ক পুরাতন হয়ে যাওয়ার কারণে সংস্কার প্রয়োজন সেগুলো দ্রুত সংস্কার করতে হবে। পাশাপাশি যেসব এলাকায় পর্যাপ্ত নালা নেই সেগুলোকে জলাবদ্ধতামুক্ত করতে পানি চলাচলের জন্য পর্যাপ্ত নালা গড়তে হবে। ঠিকাদার এবং চসিক কর্মকর্তাদের সমন্বিত কাজের মাধ্যমে চট্টগ্রামকে তেলে সাজিয়ে নান্দনিক চট্টগ্রাম গড়তে হবে।

এসময় উপস্থিত ছিলেন চসিকের কাউন্সিলর নজরুল ইসলাম বাহাদুর, গোলাম মোঃ জোবায়ের, আতাউল্লা চৌধুরী, মোঃ আবদুস সালাম মাসুম, সংরক্ষিত নারী কাউন্সিলর নীলু নাগ, প্রধান প্রকৌশলী রফিকুল ইসলাম, অতিরিক্ত প্রধান প্রকৌশলী মনিরুল হুদা, তত্ত্বাবধায়ক প্রকৌশলী বিপ্লব দাশসহ স্থানীয় নেতৃবৃন্দ।

স্বাক্ষরিত/-

(আজিজ আহমদ)

জনসংযোগ অফিসার কাম প্রটোকল অফিসার

চট্টগ্রাম সিটি কর্পোরেশন।

মোবাইল-০১৮১৯-৯৩০ ৪৮৮